



Шолмо эл, пориллик да гин бер!

45-ше (3381) №,
2018 ий 10 ноябрь,
шуматкече.

ЯМДЕ ЛИЙ

0+

1933 ий 1 февраль годсек лектеш.



Э-э-й, шүкшак, коран! Лийже кундемна яндар

Школна йыр шуко пушенге кушкеш. Теле вашеш шортньо лышташ-влак, кечыйол дене модын, мардеж дене лунгалтен, мланде умбак шыпак возын йоген пытышт. Пушенге-влак чарангыч, кайык-влак чонештен кайышт – тыге теле толмым шижтарышт.




Фотом школ архив гыч налме.



«Ямде лий» газетын лудшыжо лий!

- ❖ Связь отделенийште подписным ыштыза. Газет кажне шуматкечын толаш тўналеш. Ак – 322 тенгеат 56 ыр.
- ❖ Почтальон деч ужалымаште йодса.
- ❖ «Пресса», «Газета» киосклаште налза.
- ❖ Редакций гоч альтернативный подписным ышташ темлена. Ак – 150 тенге.
- ❖ Вес йон – электрон подписке. 89024668399 телефон номерышке (Tele2) 150 тенгем пыштыза, yamde_lii@mail.ru адресыш лўмнердам возен колтыза.



Индекс
П4696.

Рекламе.

Школ йырат шуко лышташ йоген, садлан лум толмо деч ончыч ме субботникыш лекна. Лышташым удырен, куштырам эрыктышна, олмпулаште кукшо укшлам пўчкедышна. Ме, шымше классыште тунемше-влак, пакчаште кошкышо пеледыш-влакым корандышна, нўшмыжым погышна, пакчасаскам поген налме деч вара кушкылын вожшым луктын кышкышна. Кызыт чыла вере яндар. Чонлан моткоч ласка, вет шочмо кундемнан моторлыкшо – мемнан кидыште.

Мальвина ИВАНОВА.

Волжский, Пўтъял.

ЛОТЕРЕЙ

Модышыш ушныза!

2019 ийын икымше пельжлан «Ямде лий» газетлан подписным ыште да квитандийжым редакцийыш (Йошкар-Ола, Амстердам набережный, 1) колто.

Лотерейын учредительже – «Ший памаш» сылнымут фонд.

Вуйлатыше – В.В.Краснов.

Тўн
приз –
смартфон!





Сенгымаш

Москва воктене самырык лесовод-влак коклаште «Подрост» Всероссийский конкурс эртен. Марий Эл гыч Иван Жданов (Советский, Ронго) «Лесоведение и лесоводство» номинацийыште 2-шо верым налын. Волжск олесе 6-шо номеран школ гыч Никита Котляковым «Практическая природоохранная деятельность» номинацийыште палемденыт. Сергей Радонежский лумеш гимназийын (Йошкар-Ола) чапшым Василий Шургин арален да вич сенгыше-влак радамыш лога-лын. Саламлена!

Юннат улына

Районыштына кажне ийын Юннат слёт эртаралтеш. Тушко ме биологийым туныктышо Л.Н.Веденькинан вуйлатымыш почеш миенна. Мый «Кешыр – кокияш вожсаска» проект дене выступатленам да 1-ше верым налынам. Ангелина Веденькина ден Максим Иванов практический пашам ыштеныт. Тыште Ангелина 2-шо верыш лектын. Тыге мемнан Кузнеч школна 1-ше верым налын.

Полина ПЕТУХОВА.
У Торъял район.



Лумгече

27

Школемлан

Таче мыйын шочмо школын 115 ияш кугу пайрем.

Уло чон дене кугешналын, Туныктышо-влакым саламлем. Шургыял школем, мыняр тунемшым Кумда илыш корныш луктынат. Ятырынже, воктечет эрталын, Вуйыштым савалын тауштат!

Леонид АНДРЕЕВ.

октябрьыште Морко районысо Шургыял школла 115 ий темын.



Корнысо тӱткылык

Школна кугорно воктене верланен. Кажне кечын тӱрлӧ машина-влак эртат. Тиде корно денак тунемше-влак школыш да мӱнгӧ коштыт. Азап ынже лий манын, школышто классный час, ГИБДД пашаен-влак дене вашлиймаш, сӱрет конкурс, викторине да молат эртат. Мешонена, кажне йоча, ача-ава корнышто тӱткылыкым эскерат гын, азап шагалак лиеш.

«ЮИД» кружокын членже-влак.

Шернур, Марисола.

Марий Элысе МВД ГИБДД управленийын увертарымыш почеш 9 тылзе жапыште йоча дене кылдалтше 90 ДТП лийын. Тыгодым 3 йоча колен, 96 – эмганен.



13 ноябрь – Порылыкын кечыже

А.А.Семенова деке мийышна. Тудо мемнам ондалын вашлие, ӱстелтӱрыш шынден, тамле кочкыш дене сийлыш. Туныктышына ныл ий жапыште, ава семын йӱратен, шинчымаш корно дене вӱден, келге шинчымашым пуэн. Ме Алевтина Алексеевна дене шуко мутланен шинчышна. Тудлан пенгыде тазалыкым, кужу ӱмырым тыланена.

Настя МИХАЙЛОВА, Маша ПОКРОВСКАЯ, 5-ше класс.
Волжский, Кугу Корамас.

Тау, туныктышына!

Ме уло класс дене икымше туныктышына

12 ноябрь – Кисан кечыже



Киса пӱрт воктене коеш – йӱштым вучо.

Киса окнашке тӱкалта – сай уверлан.

Историйым шергалына

1898 ий 10 ноябрьыште «Ермак» ледоколым вӱдыш колтеныт. Кӱжгӧ ийым шалатен кертше тӱнямбалсе икымше ледокол 10 тылзе жапыште руш флотоводец Степан Макаровын проектше почеш чоналтын.



Национальный президент сымктыш школышто финнугор да Юл кундемесе композитор-влакын семыштым йонгалтарыше-влакын фестиваль-конкурсышт 16-17 ноябрьыште эрта.

Писе товар пистеш катла. (Писылудыш)

Марий Элыште «Кугу этнографий диктантым» ик тӱжем утла ен возен. Кокла балл 53. Эрла кумылан-влак «Географий диктантым» возат. Танастараш: ӱмаште Марий Элыште 900 ен ушнен.

Кастене пӱртым огыт йит, суртышто шомак лектеш.

1 ноябрь гыч 8 декабрь марте Йошкар-Олаште 24 предмет дене школьник-влакын Всероссийский олимпиадышт эрта. Муниципал этапыште 2150 йоча шинчымашыжым терга.



Марий шўлышан еш У Торъял район Токтарсолаште ила. Вера Евгеньевна ден Артём Анатольевич Веселовмыт кум икшывым ончен куштат. Еш оза Кужэнгер районысо Акашево чыве

фабрикыште пашам ышта, а озавате изи икшыве дене мөнгыштö шинча.

Суртышт - чылт йомак

Самырык улыт гынат, йочам йол ўмбак шоголтымаште нелылыкым огыт шиж.

«Пашам кыртмен ыштет, пашавер улогын, чыла ситараш лиеш», - ойлат ача ден ава. Ялыште илет гын, вольык деч посна ок лий: чывым, комбым, лудым, презым, сөснам ончат. Кок пачашан пöртым чоңат. Артём Анатольевичын кидше шöртнö. Пакчаште пелашыж дене коктын мотор беседкым ыштеныт, тўрлö фигур-влакым келыштареныт: орва да ате-влак гыч кечым, ате петыртыш гыч пырысым. Кўым кучылтын, изирак пўям пўяленыт, воктеныже пальме шога. Чылт йомак! А пеледышыже могай гына уке, мыняр тўрлö сорт! Роза шыже кечынат озажым куандара. Пöрткöргыштат ятыр пеледыш южым яндаремда. Вера Евгеньевнан шке кид дене ыштыме арверже-влакым ончен шерет ок тем: бисер гыч кередыме пеледыш композиций гыч тўналын, кугу пушенге марте. Тылеч посна салфеткым, пушкыдо модышым пидеш, тўрла. Кызыт Кира ўдыржылан мотор рюкзакым пидеш. Ава усталык кумылжым ўдыржылан пуа гын, ача - эргыже-влаклан.

Ала поэт лиеш?

Эн кугу шочшышт - Эльмир. Токтарсола школышто 5-ше классыште тунемеш. Физкультур урокым йöрата. Шукерте огыл районысо шыже кросс гыч шöртнö медаль дене пöртылын. Тыште Олег Алексеевич Шулеповын надырже изи огыл. Музык школыш мураш коштеш. Национальный президент школышкат пурен кертын улмаш, но чонжо шочмо ялышкыже ўжын. Тений аваже «Ямде лий» газетлан подпискым ыштен. Моло йоча-влакын пашаштым ончен, Эльмирынат юнкор радамышке ушнаш кумылжо лектын. Кызыт чолган возен шога. Шукерте огыл школыш-

тышт марий йылмым туныктышо Татьяна Вениаминовна Смородинова юнкор кружокым почын. Марий рвезе тушкат кумылын ушнен. Лудмаш конкурслаште вийжым терга, «Читатель года» таңасымаште сенгышыш лектын. Сочинений конкурсышко кугезе кочаж нерген возымыж дене районышто ончылно лийын.

Кира ден Иннокентий

Кира - кокымшо икшыве, 6 ияш. Школ пеленысе йочасадыш коштеш. Эре аваже воктене пöрдеш: кенезым пакчаште шўкым кўреш, вўдым шава. Англичан йылмым моткоч йöрата. «Ачай-авай, колыштса, мый англичанла шотлем: one, two, three, four...», - манеш. Тунамак тўс-влакым ойлаш тўнагалеш: red, black. Пеш весела ўдыр.

Эн изиже - Иннокентий, 2 ияш. Тудо изаже, акаже, ача-аважым ончен тўрлым ышташ тунемеш. Вес ийын йочасадыш кая.

Уло ешге

Веселовмыт еш яра жапым пайдалын эртарат. «Чыланнан ечына уло. Телым ече дене уло еш дене яндар южым шўлаш лектына, кап-кылнам шуарена, чон дене канена», - ойлат Вера ден



К о е ш :
йочам сай корныш шогалташ ма-



Фотом еш архив гыч налме.

нын, ача-ава чот тырша, осал деч арала, пашаче кумыланым, тунемаш йöратышым кушта. Нунын койыш-шоктышышт, каласыме поро шомакышт, ең коклаште да ешыште шкем кучымышт кажне йолтошкал-тышыште йочалан пример лийын кодыт.

Артём Веселовмыт. Ава эсогыл Кира ўдыржым йочасадышкат ече дене ужата. Кажне каникуллан йоча-влакым Йошкар-Олашке коштыктат. Ий полатыште коньки дене мунчалтат, аттракцион паркыште лўнгалтат, тöрштылыт, пöрдыт. Вет ялыште илыше икшыве тыгайым кажне кечын ужын огеш керт. Садлан тидым кугу пиаллан шотлат.

Кенезым чодырашке снегым, мöрым погаш коштыт. Кайык мурым колыштыт. Тыге йоча-влак пўртўс деке шўман кушкыт, тудын моторлыкшым ужаш тунемыт. Тўшкан колым кучаш каят. Пўртўс лонгаште огыл мо талантан ең-влак шочын-кушкыныт?! Ала Веселовмытын шочшышт марий калыкын уста еңже-влак лийыт.

Х.АЛЕКСАНДРОВА.



**Концерт
Калыкын
икоян
улмо да
Марий Эл
Республик
ын шочмо
кечыжлан
пӧлеклал-
тын.**



4 ноябрьште Все-марийский йоча хор да Всемарийский йоча духовой оркестр концертым ончыктеныт. Сценыште – 600 уста ўдыр-рвезе! Нуно тўрлӧ районласе искусство школышто тунемыт.

Е.НИКИФОРОВЫН фотожо.

К.А.ИВАНОВ, Марий Эл Республикысе тўвыра, печать да калык-влакын пашашт шотышто министр:

– Мы-няр шу-кыра к йочам ме-сымык-

тышыш ушена, нунын талантыштым вияндаш тунар сайрак. Йоча-влакын усталыкышт ончыктым республикым вияндымаште кугу пай-



дам кондышаш.

14-18 ноябрьште Йошкар-Олаште Финн-угор калык-влакын театрыштын XII тўнямбал фестивальышт эрта. Пресс-конференций гыч **Л.СЕМЕНОВА** палдара.

Театр вуча!



Йодыш:
Фести-
вальын
ойыртеме
могай?

Э.А.ЮЗЫКАЙН, М.Шкетан лўмеш **Марий национальный драме театрын директоржо:** Ондак фестиваль кок-кум арня шуйнен гын, ме тиде жапым кўчыкемденна. Тыге икте-весеыштын спектаклыштым ончен, тагастарен кертыт. Тений зритель 9 театрын пашажым ончен, аклен кертеш.

Йодыш: Марий Театр Эл фестиваль умбакыже шуйна мо?

М.И.МАТВЕЕВ, Марий Эл Республикысе тўвыра, печать да калык-влакын пашашт шотышто министрын алмаштышыже: Теният кум кугу фестиваль икте-весеыштым пойдара: «Майатул» деч вара Г.Константинов лўмеш Руш драмтеатрыште «Келшымаш кўвар» фестиваль лиеш, тылеч вара Э.Сапаев лўмеш Марий опер да балет театр «Телекас» фестивальышке ўжеш. Марий Элысе чыла театр-влакым иктеш ушышо фестивальым ончыктым эртараш шонымаш уло.

Йодыш: Могай театрын спектакльже утларак онгай, шонедат?

В.А.ПЕКТЕЕВ, М.Шкетан лўмеш **Марий национальный драме театрын художественный вуйлатышыже:** Ятыр жап канашымеке, фестиваль рўдыжлан музыкальный комедийым ойырен нална. Удмурт национальный театр, мутлан, 50 енан оркестрым конда. Ханты-Мансий гыч театр «Чев-чев» йомакым ончаш зрительым чумышко поген шында. Мольжат пеш онгай лийшаш улыт.

Р.Ю.АЛЕКСЕЕВ, тўн режиссёр: Марий Эл гыч ныл тыеатр шке пашажым журилан темла. Фестиваль «Кӧ кечым пӧртылта» комедий дене почылтеш да «Биармия» рок-опер дене петырна. Ик кечыште кок спектакль лиеш, сандене фестивальын репертуаржым эскерыза.



Кидыш налат – муралта, пелен шындет – шып шинча. (Тушто)

Гармонист изам

Виталий изам изиж годсек гармоньым шокташ мастар. Икымше гана гармоньым 2-шо классыште тунеммыж годым кучен. Йывансола тўналтыш школышто музыкым туныктышо Владимир Ильич Вершинин ты семўзгар дек шўманден. 7-ше классыште тунеммыж годым изамым эсогыл марий сўаныш гармоньчылан намиеныт. Изам Йывансола тўвыра пӧрт пеленысе «Мурсескем» ансамбльыште мурен-куштымыж дене куандара.

Виктория МАМАЕВА.
Кужӧнер, Кугу Регеж.



Чонем муро

Кас уремыш легыдальым – Гармонь йўк шокта умбач...
Изи чонем йывырталын, Кумыл уло муралташ!
Чонем муро, чонем муро!
Молан гын мые ойгырем?
Чонем муро, чонем муро,
Кунам у муро чоныштем.

Катя РЫБАКОВА.
2-шо номеран Шернур школ.

К
У
Р
Ч
А
К
Г
А
Й



Катя Тимофеева Национальный президент Кшкол-интернатыште кўслем шокташ тунемеш. Икымше гана кугу сценыш Йошкар-Олаште эртыше Пеледыш пайрем годым лектын. Тунам тудо улыжат 1 ият 10 тылзаш лийын. Ёдырын аваже Морко район Кугу Шале тўвыра пўрт пеленысе «Ший онгыр» ансамблым вуйлата. Изи курчак гай ёдыр Параньга, У Торъял, Морко районлаште мастарлыкшым

ончыктен. Сценыште аваже дене пырля куштымыжым мыят икмыняр гана ужынам.

Мо тудым кўсле дене шокташ таратен?

– Авамын «Кўсле – марий семўзгар» манын ойлымыжым шарнем. Кугезе коча-ковам-влак чылан шоктен моштеныт. Мыйынат тунеммешуын, – оила Катюша Тимофеева.

Х.АЛЕКСАНДРОВА.

Комсомоллан – 100 ий

Мый изи годсек сўретлаш йўратем. Тидын деке ИЗО туныктышо А.И.Григорьев кумыланден шога. Октябрь тылзыште комсомоллан 100 ий теме вашеш республикыште эртаралтше «Комсомол мыйын ешыштем» конкурсышто шке сўретем дене ончыл верыш лектым. Мыйын шонымаште, комсомол – тиде элнан историйже, тудым палаш кўлеш.

Диана ЕШЕЕВА, 6-шо класс.

Шернур, Марисола.



Авторын сўретше.

«Шыжын ёдыржў»

Тыгай пайрем школыштына эртыш. Тушто вич ёдыр мастарлыкшым ончыктыш. Нуно мурышт, куштышт, уш-акылыштым тергышт. Ме, кум рвезе, жюри лийыннаы. Кочкышым аклыме конкурс мыланем поснак келшыш. Ёдыр-влак чыланат мастар улыт, но сенгышыш Кристина Зорина ден Ксения Григорьева лектыч.

Илья НИКОЛАЕВ.

Морко, Эгерсола.

Конкурс!

С.Г.Чавайн лўмеш национальный книгагудо самырык сўретче-влаклан «Книга дарит вдохновенье» VII республикысе конкурсым увертара. Паша-влакым 2019 ий 12 март марте колтыман. Конкурс нерген библиотекин сайтыштыже пален налын кертыда.



«Ўшан» ўшаным



Авторын фотожо.

сулен

2 ноябрьште Йошкар-Олаште «Мунло» интеллектуал марафон лийын. Тудым Республикысе марий тўвыра рўдер эртарен.

Тений тагасымашке индеш команде ушнен. Теве нуно: «Ургаш еш» (Советский, Ургаш лицей-интернат), «Чоткар тукум» (2-шо №-ан Морко шк.), «Сенаш шочынна» (Йошкар-Ола, 21-ше №-ан шк.), «Пашканын уныкаже» (Провой, 2-шо №-ан Красногорский шк.), «Медведево кундем» (Медведево районын сборный командыже).

Тора корным ончыде, Марий Турек район Сардаял школын «Увий» командыже кажне ийын тагасымашке ушна.

Л.ГРИГОРЬЕВА.



Терге

«Кугу этнографий диктант» гыч йодыш:

Тошто марий сўаныште могай кок семўзгарым шоктеныт?

- А. Кўсле, шўвыр;
- Б. Ковыж, балалайке;
- В. Шўвыр, тўмыр;
- Г. Тўмыр, балалайке.

Сенгышыш лекше команде-влак: «Ўшан» (Советский, Ёшнўр) команде теният **кубокым** сенген налын. Ёмаштат сенгыше лийын.

II вер – «Чумбылат» (Кужэнгер, Конганур) – **снимкыште;**

III вер – «Торъял шўдыр» (У Торъял районын сборный командыже).

Шўшпык

семже дене, айдеме ушыж дене мотор.
Калыкмут

«Йодыш» – влак марий калыкын илышыжын тўрлў шўрынжым авалтеныт. Пўсырак ушан йочаже уш-акылжым терген, а молышт шинчымашыштым келгемденит», – оила Советский район Ёшнўр школын туныктышыжо З.А.Волкова.

Йылме пеледышым пого

1 Йодыш-влаклан вашештыза:
 Марий йылме могай йылме ешышке пура?
 Шукерте ожно финн-угор калык кушто илен?
 Кызыт финн-угор тўшкашке мынар калык пура?
 Финн-угор тўшкаш пурышо могай калык йомын?
 Могай финн-угор калыкын чотышт шагал?
 Могай мут тўшкаште финн-угор йылмылаште икгайлык уло?

Кўкшö категориян туныктышо, Россий Президентын грантшым кок гана налше, Россий Федераций общий образованийын почётан пашаенже, Йошкар-Оласе 21-ше номеран школышто кугыжаныш марий йылме уроком вўдышö
О.Н.ВАСЕНИНА ямдылен.



2 **ffu** Финн-угор калык-влаклан пöлеклалтше урок

2 Финн-угор калык дўм-влакым кок тўшкалан шелын возыза.
Финн-угор калык

Финн йылме тўшка _____

Угор йылме тўшка _____

3 Российыште да тўняште могай финн-угор калык-влак илат?
 Российыште илыше финн-угор-влак _____

Вес эллаште илыше финн-угор-влак: _____

5 Кўлеш мутым шындыза.
 Иштван Финляндийыште ила. Тудо _____ мутлана. Эчук Марий Элыште шочын-кушкын. Тудын шочмо йылмыже _____ йылме. Японийыште илыше Танака Такаси _____, _____, сайын мутланен мошта. Финн-угор лагерьыште каныше-влак _____, _____, да моло йылмыла дене мутланат.

4 Диалогым умбакыже шуйыза.
 – Салам лийже, Миша!
 – Салам, Таня!
 – Эрла М.Шкетан дўмеш марий кугыжаныш театрыште «Майатул» фестиваль почылтеш? Тый кает?

Мордва – _____
 Коми – _____
 Венгр – _____
 Эстон – _____

6 Образец почеш предложенийым чонгыза.
 Марий – марла. Мый марла сайын кутырем.
 Удмурт – _____

7 Кўлеш глаголым шынден возыза.
 1) Октябрынь кумшо арняштыже финн-угор калык-влакын арняшт _____ (эртаралтеш, эртаралтыт).
 2) Марий тўвыра рўдер тиде арнялан пöлеклалтше тўрлö мероприятийым _____ (ямдылена, ямдыла).
 3) Российысе финн-угор тўвыра рўдерат йоча-влаклан онай конкурслаште шке вийым терген ончаш _____ (темла, темлем).
 4) Тыгай мероприятий-влак икте-весе коклаште келшымаш кылым _____ (вияндаш полшеныт, вияндаш полшат).

8 Финн-угор регион гыч йолташетым кенез каникуллан мемнан кундемыш унала толаш ўжын возо.

ў
ж
м
а
ш

Саламлена!





В Г Т Р К - н
«Марий Эл» ГТРК» филиалжын Радио
службыжым вуйлатыше

**Вячеслав Анатольевич
КОЛЬЦОВЛАН**

60 ий темын.



Кодшо курымын 70-шо ийлаштыже «Ямде лийын» эн чолга юнкоржым, йоча газетын лишыл йолташыжым, пагалыме радиожурналист коллегынам юбилейже дене саламлена! Илыш корныдам радамлыме годым Те «Ямде лий» газетлан эреак тауштеда. Поро кумылда тек эре нолтшö лиеш, мыскара койышда ўмырдам шуя, профессионал мастарлыкка самырык тукымым куштымаште шындалалтеш.



Мастар кид

Тыгай шыже пушенгым изирак ийготан йоча-влак дене ышташ лиеш. Фотошто Морко 1-ше номеран йочасадысе икшыве-влак.

И.АЛЕКСЕЕВА.



11 ноябрь – Электроэнергийым аныклен кучылтмо кече


«Школьный проект по использованию ресурсов и энергии» (SPARE) экологий сетын темлымыж почеш 2008 ий гыч палемдалтеш. Тиде проектыш 20 наре эл, нунын коклаште Россият, ушнен. Сандене тўнямбал кечылан шотлалтеш. Йоча-влак, электроэнергийым аныклыме нерген шарныза!

Шыже

Шыже кече пеш шортеш:
– Йўштö пешак вет калтак,
Йўкетат йомеш, векат.
А мемнан гын ойгыраш
Жапна уке ик пырчат.
Школыш вашкена эрак,
Модына нойымеш, йолташ.
Диана АЛЕКСАНДРОВА.
Морко, Эгерсола.



10 ноябрь – Шанчын (наукин) тўнямбал кечыже



Сўретым чиялте.

Чодыраште

коштмыда годым, пушенгын укшыжым мөнгö конден, юзо пушенгым ыштыза. Укшым гуашь дене чиялтыза, пластилин гыч саскам ыштыза.



Икымше лум

Эрдене школыш каяш тарванышым. Уремыш лектым. Лум лумеш! Йывыртымем дене ковамлан кычкыралым: «Ончал, ковай, ялышкына теле толын!» Йырваш пўртүс вашталтын. Пушенгыла ўмбалне лум кия, лышташыжат йөршын йоген пытен огыл. Эн сöралын пызле коеш. Ялыштына пызле шуко уло. Пызлыгычкыжым кайык-влак эше кочкын огытыл, сандене тудо тора гычак шинчалан перна. Корно дене кайымым годым лум кочыртатымым колын, чон куана.

Саша ГЛУШКОВА.

У Торъял, Кузнеч.



Кок йолташ

Кирилл дене йолташ улына. Ме кумшо классыште тунемына. Парт коклаштат пырля шинчена. Сайын тунемаш тыршена. Перерывыште умножений таблицым ваш-ваш йодыштына, доскаште столбик дене пример-влакым решатлаш йöратена, почеламутым классыште эн ондак тунем толына. Урок деч вара унала коштына. Мый Немда ялыште илем, а Кирилл – Татарэнгерыште. Велосипедыш шинчын, тудын деке кудалына.

Модына!

Ваня МОСУНОВ.

У Торъял район.

Шукын улмо годым модаш сай. Йоча-влак шкеныштын лўмыштым кычкырат, тыгаяк лўман йолташым кычал мушаш улыт.

КОНКУРС!



Анна ВИНОГорова ден Владислав Владимирович. Провой, Кожласола.



Морко район Волаксола школын 9 «Б» классше.

«Школ формым чиенам»



Эрвин МОРОЗОВ. Параньга, Матародо.

ТУШТО X Толын пурем – парням шуен шога.
X Туп-туп, рошт-рошт, мангли-мангли.

Кодшо номерысе конкурсышто йонгылыш каен: снимкыште Артём огыл, а Антон Агачев лийын.



Поездын кудо вагонже уто?



Алфавит

Пушкыдемдыше пале – Тыге манит вес буквам. Мут коклаште возалтеш. «Кольмо» мут келшен толеш.


«Э» маналтеш вес буква. Тудо тыге возалтеш. Мутым палем мый тудлан: «Э» ден «Энер» тўналеш. **С.БЕССОНОВА.**

Анюн кўсенштыже 15 кампетке киен. Тудо шолыжлан 2/5 пуэн. Анюн кўсенштыже мыняр кампетке кодын?

Кок икгай столбикым му.



Марлашке кусаре.




Манюн коваже у тувырым чиен. – Ой, ковай, могай мотор улат, чылт телымсе пеледышла коят! – ышталеш уныка.

Ик шырпым верже дене вашталтен, чын вашмутым ыштыза.



- Сапоги.
 - Небо.
 - Тыква.
 - Карась.
 - Подсолнух.
 - Ручные часы.
- Полина ЛАТУХИНА. Советский, Öрша.



Индекс: Марий Элыште, Пошкырт ден Татарстан кундемлаште - П4696. Тираж 1150 экз. Заказ 2076. Формат – А-4-8. Директор-тўн редактор Л.В.Семенова.

УЧРЕДИТЕЛЬ-ВЛАК: Марий Эл Республикысе култур, печать да калык-влакын пашаш шотышто министерстве, «Ямделий» газет» кугужаныш унитарный казна предприятий.

Газетым Массовый коммуникаций сферыште да култур наследийым аралымаште законодательством шуктен шогым эскерше Федеральний службыв Приволжский федеральный округысо управленийштыже регистрироватлыме. Номер – ПИ №ФС 18-1999, 2005 ий 10 февральшты пуымо.

Печатьш пуымо жап – 14-00, фактически – 13-00.

Авторын да редакцийн шонымышт тўрл лийын кертыт. Серыш-влак мўнгеш огыт колталт. Ак – кутырен келшыме почеш.

E-mail: yamde_lii@mari-el.ru, yamde_lii@mail.ru Сайтын адресше: yamde-lii.pro, Тел. 8(8362) 45-22-82 (факс).

Газетым редакцийшты погмо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Газетым Печать да массовый коммуникаций шотышто Федерал агентствын окса полишыж дене лукмо.

Редакцийн да издательнын адресше: 424006, Йошкар-Ола, СССР Вооружённый Вийын 70-ше идалькыше урем, 20 (юридический) Энерубал Амстердам, 1 (фактический).

Удырлан чыла кампеткым муаш полшыза.